


Ma e tau mamatua, tau magafaoa mo e tau tagata oti he kautū

VAGAHAU NIUE

LAGOMATAIAGA KE HE TAU FAKAAKOAGA
HE TAU FĀNAU HAAU KE HE

TOTOU, TOHITOHI MO E TAUTE NŪMELA

KAMATA HE VAHĀ NE FANAU AI A TO HOKO
ATU KE HE FAKAOTIAGA HE YEAR 8



MINISTRY OF EDUCATION

Te Tāhuhu o te Mātauranga

LAGOMATAIAGA KE HE TAU FAKAAKOAGA FAKAMUA HE TAU FĀNAU HAUAU

KAMATA MAI HE FANAU A TO HOKO ATU KE
HE KAMATAAGA HE TAU AOGA HA LAUTOLU



Ko e moui olaola he tama tote ke he tau fakaakoaga kua maeke ke fakafeheleaki mo e fiafia ki ai e tau mamatu, tau magafaoa mo e tau tagata he kautū.

Totou, tohitohi mo e tautē nūmela

Ko e totou, tohitohi mo e tautē nūmela ko e tau pūhala fakafetui he tau maamaaga, tau manamanatuaga mo e tau fekau. Ko e tau mena mahuiga lahi a nei ke he moui he tau aho oti. Ko e kautū mo e mitaki he tagata totou, tagata tohitohi mo e tagata tautē nūmela ko e mena kamata mai nī he magaaho ne fanau ai. Kua moua he tau fānau ikiiki, e lotomatala ke totou, tohitohi mo e tautē nūmela mai he tau mena ne kitekite mo e gahuahua a lautolu ki ai.

Totou

Ko e tau tau fakamua he ha lautolu a tau momoui, kua fakaako e tau fānau ke "totou" mo e maama lahi e tau fakakiteaga tohi, kitia mata mo e tau fakataitai. Iloa e lautolu he tau magaaho, ko e tau kupu mo e tau tohi totou kua tō lahi e fulufuluola, fakafafia mo e fakatotoka, ti hā hā i ai e tau fakailoaaga mo e fakahohoko manava.

0-1 e tau tau moui

Fakakite age ke he tau fānau haau e tau tohi fakatino ti totou ki ai he mole e magaaho ne fanau ai a lautolu – to lagomatai he mahani nei a lautolu ke tutupu mo e momoui loloa mo e manako ke totou tohi. Fakatūtala ke he tau fakatino. Ka hoko ke he 6-9 e mahina, kua maeke he tau muke ke mailoga e tau fakatino he tau mena mahani mau.

Luelue e muke haau ke he tau magaaho fakatatau, uhu lologo mo e talahau e tau tala leo tatai ki ai.

Fakaaoga e taogo he leo haau ke fakafuluola aki ka fatiaki e koe e tau kupu mo e tau leo he muke haau.

1-3 e tau tau moui

Uhu e tau lologo mai he vahā tote haau.

Oatu tumau ke he fale toka tohi.

Fakatumau e totou
tohi auloa he vahā
ne lalahi hake
fakahaga ai e tau
fānau haau.

Mahuiga lahi e lagomataiaga he tau mamatu, tau magafaoa mo e tau tagata oti ke he tau fakaakoaga he tau fānau he vahā ikiiki. Loga lahi e tau pūhala ke lagomatai aki e koe e tama haau ke makaukau ke totou, tohitohi mo e tautē nūmela. Kamata tonu e lagomataiaga nai he tau magaaho ne fanau mai ai a lautolu.

Tūtala, totou mo e tohitohi mo e tau fānau haau, ko e tau mena aoga lahi ke he tau fakaakoaga ha lautolu. Fakaaoga e vagahau kua hagahaga mitaki ki a koe mo e tau fānau haau.

- Fakatau e tau tohi mai he tau fakatātāaga tohi mo e tau fale selā tohi tuai po ke ole atu ke he magafaoa po ke tau tagata motu ko e fai tohi nakai a lautolu kua nākai liu manako foki ki ai.
- Fakaatā e tau fānau haau ke fifili e lautolu e tau tala mahuiga ha lautolu – to fiafia lahi a lautolu ke liu logona foki e tau tala ia.
- Fakaoti e totou tohi kaeke kua kitia e koe kua fiu tuai a lautolu – lali tumau ke eke e totou tohi mo mena fuluola mo e fiafia ke taute.

3-5 e tau tau moui

Talahau e tau tala mo e uhu e tau lologo mai he vahātote haau.

Fetufutufaaki e tau totou tohi, age po ke kikite ko e manako e tau fānau haau ke totou e tohi po ke totou ki ai e tohi he aho nei.

Totou tala fakalataha tumau. Liu totou e tau tala ne fifili he tau fānau haau ne kua manako a lautolu ke logona tumau.

Uhu e tau lologo, talahau e tala kūkū mo e leo tatai auloa, fati e tau lologo mo e taute e tau tala leo tatai fakamagafaoa.

Kitekite auloa ke he tohi. Tamai e falu he magafaoa ke totou tohi fakalataha mo e tau fānau haau.

Tau fakaakoaga he tau aoga fānau ikiiki

Ko e totou, tohitohi mo e tautē nūmela, ko e taha vala mahani mau he tau lotomatala he tau fānau mai he tau fakaakoaga he tau aoga fānau ikiiki. Ne kumikumi, kamamatamata mo e fakataitai he tau fānau e tau manamanatuaga ke he totou, tohitohi mo e tautē nūmela he tau aoga fānau ikiiki mo e tau kaina ha lautolu.

Kaeke kua hā hā i ai e tau fānau haau he aoga fānau ikiiki, maeke i a koe ke lagomatai ke fakailoa ke he tau faiaoga e haau

a kitekiteaga ke he tau gahua ha lautolu he loto kaina. Hūhū foki ki a lautolu ke he tau mena kua kitia e lautolu mo e tau pūhala ke fakaohooho aki e manako he tau fānau haau ke totou, tohitohi mo e tautē nūmela.

Kaeke kua manako a koe ke iloa e falu a pūhala ke lagomatai aki e tau fānau haau, po ke tau tutūaga ha lautolu he aoga, hūhū atu ke he tau faiaoga ha lautolu. To fiafia lahi a lautolu ke lagomatai.

Tohitohi

Mai he tau vahā ikiiki, kua holo ki mua e mitaki he tau folafolaaga he tau manako, tau manamanatuaga, tau logonaaga mo e tau aga mahani mau he tau fānau ke he tau pūhala loga mo e kehekehe. Ko e fetūtalaaki mo e tā fakatino e ua he tau pūhala loga ia, ka kua iloa foki he tau fānau kua maeke a lautolu ke taute e tau "fakataitai" ne kua maeke he falu a tagata ke totou mo e maama. Ko e kamataaga a nai he iloa ke tohitohi.

Taute e tau matatohi he papahi matatohi (alphabet) mai he ha mena he tau mena,

ko e fakatai, tau patuō, tau poloka, tau mahina tāpulu, tau fua hihi.

Tūtala ke he tau matatohi he tau higoa he tau fānau haau mo e moua maiaga he tau higoa ha lautolu.

Lagomatai a lautolu ke talaga e taha tohi tote mo e tau fakatino. Fakaohooho a lautolu ke tohi e tau tala i lalo he tau fakatino mo e tutala atu ki a koe hagao ke he tau fakatino.

Fakapilipili hake e tau matatohi makeneta ke puni e filisa ha mutolu.

Ko e tau lotomatala he vahā ikiiki, moua mai he tau feua fiafia – taute fakafulufuluola e tau feua fiafia he tau magaaho oti kua maeke ai, tī lali foki ke taute auloa tumau.

Taute Nūmela

Ko e tau aho oti kua iloa fakahaga he tau fānau ikiiki e tau manako mo e fakaaogaaga he taute nūmela.

Maeke i a koe ke fakamalolō e tau maamaaga ha lautolu mo e tau tuahā ke he taute nūmela ke lagomatai a lautolu ke mailoga e tau fakataitai, tau pakapaka, lahi, fakaholaga mo e tau nūmela he ha mena nī kua hā hā i ai a koe. Ti tuku fakalataha e tau manako taute nūmela mo e tau fefeu, tau manakoloto mo e tau gahuahuaga ha lautolu he tau aho oti.

Ko e mena aoga lahi ke fakamahani e tau fānau haau mo e tau nūmela hā ko e mena fakamatutaki atu he tau nūmela a lautolu ke he tau lotomatala taute nūmela. Liga to tou mata nūmela mua e tau fānau to maama i a lautolu e tau kakano he tau nūmela ia.

Totou mai he taha ke he lima he tau matalima mo e tau matahui ha lautolu mo e tau matatohi he tau higoa.

Uhu e tau lologo mo e tau tala leo tatā ne hā hā i ai e tau nūmela.

Totou nūmela ka e ha ne lakahui, fakamaumau e tau mahina tapulu, fakatokatoka e laulau kai mo e fafao e tau kai ke he puhakai laā ha lautolu.

Fakamaopoopo fakalataha mo e fānau haau ke pelē laupepa mo e taute e tau fakapikipiki kupu (jigsaw puzzles).

Fakahigoa e tau pakapaka he tau koloa he kaina: faliki laulau velivelī, felemei velivelī loaloa, puha pakafā.

Fakafetataiaki e tau mena kehekehe – tau tosini, tautemohe lugā mo lalo, tau tēvae.

Fakaaoga e taute nūmela ke he tau mena fai kakano. Lagomatai e tau lotomatala he tau fānau haau ke fakaaoga e tau nūmela he tau mena kua mahani a lautolu ke taute.

Totou fakaleo lalahi e tau sitepe, totou e tau motokā kula/lanu moana ne kitia e lautolu.

Fefeu ke he tau fiafia pepa poke lapa ne fakaaoga e tau nūmela.

Ko hai ne loa lahi? Taute e fānau haau ke tutū fehagatuaaki ke kitia ko hai ne loa lahi tī ko hai ne kū lahi.

Lagomatai e tau fānau haau ke ilioilo ke liu totou e tau nūmela fakaleo lalahi – fakaoga e vagahau kua hagahaga mitaki ki a koe mo e tau fānau haau. Ko e totou matanūmela kua taute e lautolu he tau aho oti he ha lautolu a tau momoui, ke lagomatai aki e maamaaga ha lautolu ke he tau nūmela.

Fakakite e manakoloto ke he tau fakatino mo e tau tala he tau fānau haau ne tā mo e "tohi". Kaeke kua nākai maama i a koe koe hagao ke he heigoa e fakatino po ke tala haana, hūhū ki ai. Ua popole ke he mitaki po ke keleia he tau tohitohi ha lautolu, ko e tau tala ne tohia e lautolu ne mahuiga.

Tau Fakaokoaga he aoga

Ka mahani mo e iloa mitaki he tau faiaoga e tau fānau, to maeke i a lautolu ke lagomatai e tau fakaokoaga ha lautolu. Ko e lakaaga fakamua mahuiga lahi he tau faiaoga ka kamata e tau fānau haau he aoga, ke mahani mo e iloa mitaki a lautolu. Maeke a koe ke lagomatai ke fakatūtala mo e faiaoga ke he tau mena he tau fānau haau ne fiafia, fakahohoko manava mo e manako lahi ki ai.

Tokologa e tau faiaoga kua talia mo e fakaue ke he tau mamatau kua fakakite e tau tutūaga he tau fānau mai he tau aoga fānau ikiiki. Maeke he tau tutūaga nai ke lagomatai ke fakamukamuka e kamataaga he aoga ha kua maeke he tau fānau ke fakafeheleaki mo e falu a tau fānau mo e tau faiaoga, tī maeke i a lautolu ke totou mo e liu totou foki.

Kaeke kua manako a koe ke iloa falu a lagomataiaga mo e tau fānau haau ke he totou, tohitohi mo e taute nūmela po ke tau tolomakiaga ha lautolu, hūhū atu ke he tau faiaoga ha lautolu. To fiafia lahi a lautolu ke lagomatai.

TOTOU

READING STANDARD

Kaeke kua iloa he tama haau e Reading Standard he mole e taha e tau he aoga...

to totou a ia he tau tohi he papahi green
he hui velivel i lanu kehekehe.

To maama he tama haau e tau tala kua totou e ia, fakaoga
loga e tau kupu ne iloa tuai e ia, mo e kitia tonu kua holo
mitaki e totou – tuga e tūtala.

Ke iloa e tau fatifatiaga, to fakaako e tama haau ke:

- maama mo e fakatūtala ke he tau tala kua totou e ia
- fetūtalaaki e tau vala tala mahuiga mo e falu tagata
- fakaoga e tau putuputuaga matatohi ke fakamaama
aki e falu a kupu foou
- mailoga mo e fakaoga loga e tau kupu fakaoga tumau
- holo mitaki e totou
- fiafia ke totou mo e taute e tau gahua.

Kamata e tau fakapapahi
he hui velivel i lanu
kehekehe he magenta
ne hā hā i ai e tau tohi
mukamuka, ti holo
atu he red, yellow
mo e blue ke he green.
Ne uka fakatote mo e
vihu e tau lanu takitaha.
To fakaotioti he papahi
orange ke he gold he tau
ke ua mo e tolu aki he aoga.



TOHITOHI

WRITING STANDARD

Kaeke kua iloa he tama haau e Writing Standard he mole e taha e tau he aoga...

to tohitohi a ia i loto he curriculum level 1.

Kehekehe e tau pūhala tohitala he tama haau ke lata
mo e curriculum. Ko e falu he tau vala tohitohi kua kamata
e hagao ke he tau hokotaki he fenoga ahiahi ke he taha
matakavi (social sciences) po ke hagao ke he leveki he
manufao (science). To maeke e tama haau ke totou mo
e tūtala ke he tala ne tohi e ia.

Ke iloa e tau fatifatiaga, to fakaako e tama haau ke:

- fakakite kua maeke a ia ke fakatotoka e tau mena
kua manako ke tohitala ki ai mai he fakatūtala,
tā fakatino po ke tau kupu
- fakamātutaki e tala ke he tau aga mo e mahani
- fakaoga e tau kupu ne iloa mai he totou tohi.

TAUTE NŪMELA

MATHEMATICS STANDARD

Kaeke kua iloa he tama haau e Mathematics Standard he mole e taha e tau he aoga...

to gahua a ia he curriculum level 1 fakamua,
ke fakafaikano e tau fakaakoaga uka, fakaoga
e maamaaga haana he nūmela, algebra, geometry,
measurement mo e statistics.

To totou nūmela e tama haau mai he 1 mo e fakaoga e tau matalima
po ke tau mena ke fakafaikano aki e tau gahua uka. To kamata foki
e tama haau ke totou he ulu mo e kamata ke mailoga e tau fakataitai
nūmela tuga e $3 + 2 = 5$.

Ke iloa e tau fatifatiaga, to fakaako e tama haau ke:

- fakafaikano e tau taute nūmela uka mo e fakaoga
e tau nūmela ke hoko ke he 10, ti hoko ke he 20
- totou nūmela ki mua mo tua ke hoko ke he 20, ti hoko atu
ke he 100. Iloa e nūmela i mua mo e tua mai he nūmela
kua fakakite

Fakamahino ke he nūmela

Ko e tau fakamua he tama haau he aoga,
60–80 e pasene he magaaho taute nūmela
ka fakamaho nī ke fakaako nūmela.

- kumikumi e tau fakatātā, tau pakapaka mo
e tau fuafuaaga
- fakatotoka mo e fakafeheleaki e tau mena fakaoga
- fetūtalaaki ke he matakavi, hoko fēfē ke he matakavi
ia mo e, fano a ia ki fē – “Ko au hā i mua he akau”,
“Ko au hā i tua i a koe”
- kumikumi e tau hūhū mo e tau tali ke he tau mena
fulufuluola (tuga e, fiha e nofoa he pokoa aoga?).

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

- ✿ Ko e totou he kaina kua lata ke fiafia mo e mukamuka – amanaki tumau a mua ki ai, ko e magaaho taufeki mo e fetūtalaaki.
- ✿ Manako oti e tau fānau ke totou ki ai, ko e mena ia, totou tumau ke he tau fānau haau – tau tohitala, tau meli hila. Totou he tau vagahau ne hagahaha mitaki ki a koe mo e tau fānau haau.
- ✿ Ahiahi auloa atu ke he fale toka tohi ke lagomatai a lautolu ke fifili e tau tohi mahuiga ke totou auloa.
- ✿ Uhu e tau lologo mo e liu talahau e tau tala (tau tala tuai) mai he vahā tote haau.

*Age e falu a magaaho
ke he tau fānau haau
ke fakamātutaki e tau mena
ne totou e lautolu mo
e tau momoui ha lautolu.
Fakamanatu ki a lautolu e tau
mena ne taute ka fetataiaki
mo e mena ne tupu he tala.*



*Tūtala mo e tau fānau
ko e mena aoga lahi ma e
tau fakaokoaga ha lautolu.
Fakaokoaga ua e vagahau
ko e vagahau motu mo
e vagahau Pālagi – ko e
vagahau nī kua lata ki a koe
mo e tau fānau haau.*



Taute Nūmela

- ✿ Fakamaopoopo mo e tau fānau haau ke taute e tau pelē fakahaohao vala fakatino (jigsaw puzzles) pelē pepa, tālaga poloka mo e tau pelē lapa.
- ✿ Totou nūmela mo e tama haau, ko e tokofihā e tagata ka omai ki kaina ke he kai afiafi/pogipogi/laā.
- ✿ Fekau ke tuku takiu e tau sevae he gutuhala i mua/tua, ti totou fakalataha ke iloa ko e tokofihā e tagata i loto he fale. Manamanatu ko e tokofihā e tagata i kaina ke kai pogipogi/laā/afiafi.
- ✿ Uhu auloa e tau lologo totou nūmela.

Tohitohi

- ✿ Ole ke he tau fānau haau ke tohi e tau tala ke he tau fakatino ne tā e lautolu – he laupepa po ke tā he komopiuta. Talaage ke talaatu ki a koe e tala, ti tohi e tala i lalo he tau tohitohi ha lautolu.
- ✿ Gahua fakalataha mo e tau fānau haau ke taute e tau matatohi he pūlagi, tau vai koukou, po ke i luga he mena maō.
- ✿ Lagomatai ke talaga e tau tohigahua mo e tau fakatino. Fakaohooho ke tohi e tau tala i lalo he tau fakatino mo e fetūtalaaki mo koe ke he tau tala ia.

*Tūtala ke he tau
tohitohi ha lautolu.
Tūtala ke he tau
matatohi he tau higoa
he tau fānau haau.*

*Fakaokoaga e tau kupu taute nūmela
he magaaho pelē he tau fānau
haau ke fakalagalaga aki e tau
maamaaga ha lautolu ke he tau
taute nūmela fakamua (“molea”,
“i lalo”, “mua, tū ua, tū tolū”,
“velivelī”, “ki loto”, “to hoko”,
“he mole”). Mitaki ke fakaokoaga
e vagahau motu ha mutolu.*



Manako ke iloa falu a mena foki?

Ma e falu a fakailoaaga mo e fakatonutonuaga ke he tau fakaokoaga mo e tūaga he tama haau, maeke a koe ke tūtala ke he faiaoga haana.

TOTOU

READING STANDARD

Kaeke kua iloa he tama haau e Reading Standard he mole e ua e tau he aoga...

to totou e ia e tau tohi he papahi turquoise
he hui velivelil lanu kehekehe.

To taatu he tama haau ki kaina e tau tohi totou kua
mooli mo e nākai mooli. To loloa e tau tala ti liga
hā hā i ai e tau fakatino mo e tau fakamailoga, tau kupu
fakaaoaga tumau, falu a mataulu kupu foou mo e falu
a vagahau fakafulufuluola.

Ke iloa e tau fatifatiaga, to fakaako e tama haau ke:

- fakaaoaga e lotomatala haana ke he tau matatohi mo e falu a kupu ke iloa mo e maama aki e tau kupu foou
- totou e tau tala katoa mo e nākai fai fakamanou, mo e fakaaoaga e tau fakamailoga tohitohi (punctuation), ke fakaleo momole mo e fulfuluola e totou
- mailoga ka fai hepe lahi kua taute e ia (mua atu kaeke kua nākai fai kakano e totou) ti maeke i a ia ke fakahako e tau hepe ia, ke he loga he tau magaaho
- fakaaoaga e tau fakamailoga, speech bubbles, charts mo e tables ke lagomatai aki a ia ke maama e tau tala
- totou fakaleo tote ki a ia nī
- talahau kaeke kua mooli e tala po ke nākai, manatu e tau vala mahuiga he tala, mo e maeke ke kumi e tau vala ne lata ke tali aki e tau hūhū.

TAUTE NŪMELA

MATHEMATICS STANDARD

Kaeke kua iloa he tama haau e Mathematics Standard he mole e ua tau he aoga...


to gahua a ia he curriculum level 1 ke taute e tau gahua uka aki e maamaaga lahi fakahaga he number, algebra, geometry, measurement mo e statistics.

To maeke he tama haau ke totou nūmela ki mua mo e ki tua, i loto he ulu haana, kamata mai he nūmela lahi ka e nākai kamata he taha. To maeke he tama haau ke fakaaoaga e tau matalima haana ke fakamanatu aki e tau nūmela.

Ke iloa e tau fatifatiaga, to fakaako e tama haau ke:

- taute e tau gahua uka aki e tau nūmela ke hoko ke he 100
- totou nūmela taki 2, 5 mo e 10, ki mua mo tua

Ko e hui velivelil lanu kehekehe,
kamata he magenta ne hā
hā i ai e tau tohi mukamuka
ti holo atu he red, yellow,
blue, green mo e orange
ke he turquoise, uka mo
e vihu fakahaga foki he
tau lanu takitaha. To
fakakatoa he tama haau e
papahi purple mo e gold he
tau ke tolu aki haana he aoga.



TOHITOHI

WRITING STANDARD

Kaeke kua iloa he tama haau e Writing Standard he mole e ua tau he aoga...

to tohitohi a ia he curriculum level 1.

Ke iloa e tau fatifatiaga, to fakaako e tama haau ke:

- tohi e tau tala mo e taute falu a tohitohi ne maeke i a ia ke taute he aoga mo e i kaina. Aofia he tau tohitohi nai e tau fakatonutonuaga mukamuka, fakamaamaaga ke he tau mena tutupu mo e tau pūhala tutupu, tau fakailoaaga mukamuka ke he tau tagata, mo e ke he tau mena kua taute mo e kitia e ia, tau mena kua iloa po ke manamanatu ki ai.
- fakaaoaga fakahako he tau magaaho loga e tau fakaotiaga tala (full stops), tau fakamailoga hūhū (question marks), mo e tau matatohi lalahi (capital letters)
- tohi fakahako e tau matatohi he tau kupu loga, mo e lali ke tohi e tau kupu foou, fakaaoaga e ililo haana ke he tau kupu fetataiaki
- tohi e tau tala loloa ti fakaaoaga e tau kupu tutaki ("like", "and") ke fakamātutaki aki e tau tala.

FAKAMAHINO KE HE NŪMELA

Ko e tau ke ua aki he aoga he tama haau, 60–80 e pasene he tau magaaho fakaako taute nūmela ka fakamahino nī ke he fakaako nūmela.

- kumikumi e hafa ($\frac{1}{2}$) mo e kuata ($\frac{1}{4}$) he tau lapalapa mo e tau pega mena kehekehe
- fakavahega e tau koloa ke he tau vahega fetataiaki ti fakamaama e gahua haana ne taute hūhū mo e tali e tau hūhū mo e fakatātā haana a tau mena moua
- fakakite mo e muitua ke he tau poakiaga
- fakaaoaga e haana a tau lima, hui po ke penetala ke fuafua aki e tau mena kehekehe.

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

- ✿ Fakaohooho e tau fānau haau ke totou ha mena nī he tau mena – tau fakatonutonuaga TV he nusipepa, tau tohi pūhalatū, tau laupepa fakakite mena kai. Mitaki lahi e tau fakatokatokaaga tautē mena kai mukamuka – ko e maeke foki i a koe ke kai e tau mena haau ne totou.
- ✿ Ahiahi auloa atu ke he fale tokā tohi mo e lagomatai e fānau haau ke fifili e tau tohi mahuiga ke totou fakafeheleaki.
- ✿ Fefeuā ke he tau fakaleo mo e tau kupu, tautē e tau tala leo tatāi he ha magaaho nī kua maeke, fefeuā mo e loga he tau fefeuā kupu tuga e, "Talahu manatu ko hai" ("Guess who").

Tautē e totou he kaina
ke fiafia mo e mukamuka –
ko e taha he tau mena ne
onoono tumau a koe mo
e tau fānau haau ki ai,
ko e magaaho ke taufekī
mo e fetūtalaaki ai.

Ma tau mamatua, tau magafaoa mo e tau tagata oti he kautū, ko e lahi he tau fakaokoaga he tau fānau he tau aho oti ne lago ki a mutolu, ti maeke a mutolu ke lagomatai mo e lafi atu foki ke he tau mena fakaako ha lautolu he aoga.

Ko e tūtala mo e tau fānau
haau ko e mena aoga lahi ma
e tau fakaokoaga he ha tau
moui nī kua hoko ki ai.
Fakaokoaga ua e vagahau motu
mo e vagahau Pālagi – ko e ha
mena nī kua hagahaga mitaki
ki a koe mo e tau fānau haau.

Tohitohi

- ✿ Fakaohooho e tau fānau haau ke tohitohi – he laupepa po ke he komopiuta. Mitaki foki nī kaeke kua lagomatai e koe a lautolu ke tohitohi. Age e tau fakahekeheke loga, mua atu kaeke kua kitia e koe e tama haau ha ne lali fakamakamaka.
- ✿ Tautē e taha tohi tokā ata ti fekau e tau fānau haau ke tohi e mataulu mo e tala kū ma e tau ata takitaha, tau higoa he tau tagata mo e tau mena ha lautolu ne taute.

Fakatātā e tau gahua
ha lautolu. Fiafia mo
e nava ki ai. Tufatufa
mo e falu.

Taute Nūmela

- ✿ Lagomatai e tau fānau haau ke kumi mo e fakamātutaki e tau nūmela he kaina ha mutolu mo e tau kalakala kaina, fakatai pehē, 7 he puha tohi, 17 he taha ti 27 he taha.
- ✿ Fefeuā nūmela mo e tau fānau haau, mua atu ke fakaokoaga e tau fakapapahi ti fakaokoaga e tau fakapapahi ia ka totou nūmela ki mua mo tua (fakatai pehē, 5, 10, 15, 20 mo e 20, 15, 10, 5).

Ko e Taute Nūmela ko
e vala mahuiga lahi he
moui he tau aho oti ti
hā hā i ai loga lahi e tau
pūhalā ke fakafulufuluola
aki ma e tau fānau haau.



Manako ke iloa falu a mena foki?

Ma e falu a fakailoaaga mo e fakatonutonuaga ke he tau fakaokoaga mo e tūaga he tama haau, maeke a koe ke tūtala ke he faiaoga haana.

KO E TAU FAKAAKOAGA HE TAMA HAUAU

The New Zealand Curriculum

HE MOLE ATU E TOLU E TAU HE AOGA

TOTOU

READING STANDARD

Kaeke kua iloa he tama haau
e Reading Standard he mole tolu
e tau he aoga...

to totou e ia e tau tohi he papahi gold
he hui velivelu lanu kehekehe.

Ko e tau tohi ka taatu ki kaina ke totou ki a koe, to fai lau ka nākai fai fakatino mo e fai lau hā i ai e, tau mena tutupu, tau mataulu tala mo e tau kupu kua nākai mahani ki ai. To maeke he tama haau ke fakaaoga e tau fakatino mo e falu a puhalu tohi he tau tala (sub-headings, text boxes, footnotes, glossaries, indexes, diagrams, maps) ke moua aki e kakano. To totou foki e tau tala ke he science, art po ke falu foki a valavalu he tau fakatokatokaaga fakaako – ko e fakatai, ko e moui takai he moko.

Ke iloa e tau fatifatiaga, to fakaako e tama haau ke:

- fakaaoga e fakatino po ke kakano he tala ke moua aki e tau kupu nākai mahani ke fakamaama aki e kakano iloa ka tautē e mena hepe ti tautē fakahako ke he loga he tau magaaho
- kumi e tau fakailoaaga ne tohia fakamahino mai he tala, fakalataha mo e tau fakailoaaga ne nākai kitia mitaki po ke pulega ki ai
- tūtala ke he kakano he tala mo e talaatu e tau mena haana ne iloa mai he totou e taha mataulu tala kehe mai, mo e kikite ko e tatai nakai e tau mena iloa haana mo e tagata tohitala.

TAUTE NŪMELA

MATHEMATICS STANDARD

Kaeke kua iloa he tama haau
e Mathematics Standard he mole
tolu e tau he aoga...

to gahua a ia he curriculum level 2 mo e fakaaoga e haana a maamaaga lahi fakahaga he nūmela, algebra, geometry, measurement mo e statistics.

To fakaako e tama haau ke taute e tau fakaakoaga nūmela uka ke tuku kehekehe e tau nūmela mo e fefakafeholoaki ka e nākai totou. Fakatai pehē, $8 + 5$ ke huhui ke he $8 + 2 + 3$.

Ke iloa e tau fatifatiaga, to fakaako e tama haau ke:

- kumikumi e tau faga fakataitai he tau nūmela ke kaupā mai 1,000
- fakaaoga e lotomatala tokamau ke taute aki e tau gahua uka
- tūtala ke he tau valavalu (fractions) ka fetufatufaaki mo e fekumikumiaki e tau fafaahi (shapes) mo e tau katoatoaaga (quantities)

HE AOGA

Ko e hui velivelu lanu kehekehe, kamata he magenta ne hā hā i ai e tau tohi mukamuka ti holo atu he red, yellow, blue, green, orange, turquoise mo e purple ke he gold, ukauka fakahaga mo e uka foki he tau lanu takitha.



TOHITOHI

WRITING STANDARD

Kaeke kua iloa he tama haau e Writing Standard he mole tolu e tau he aoga...

to gahua a ia hagao atu ke he tohitohi he curriculum level 2.

Ke iloa e tau fatifatiaga, to fakaako e tama haau ke:

- manamanatu, fakamau tohi mo e fakatutala e tau mena taute, tau manatu mo e tau talahauaga
- fakaaoga e tau fakatokatokaaga tokamau ke fakahakohako aki e tohitohi haana, ko e fakatai, tohi e tau fekau ke fai kamataaga, lotoumo e fakaotiaga
- tohi ma e tau amaamanakiaga kehekehe ne matutaki atu ke he fakatokatokaaga fakaako (curriculum), ko e fakatai, ko e hokotaki ma e social sciences
- tohi nī he tau tala mukamuka (mo e uka he falu a magaaho) ne fā kehekehe e tau kamataaga mo e tau loloa
- fakaaoga e tau kupu kua hagao tonu ke he mataulu he tala mo e kua fifili pauaki ma e tau tagata fanogonogo
- talahau fakamatatohi e tau kupu kua fakaaoga e ia, ti fakaaoga e tau mena ne iloa ke he tau leo ke talahau fakamatatohi e tau kupu nākai iloa
- lafi ke he lotomatala haana he punctuation ti fakaaoga tumau foki.

Fakamahino ke he nūmela

I loto he tau ke tolu aki he tama haau he aoga, 60–80 e pasene he tau magaaho taute nūmela to fakamahino nī ke he fakaako nūmela.

- fakamaopoopo e tau koloa ti tūtala ke he tau fetataiaki mo e fekehekeheaki
- talaga mo e folafola e tau faga fakataitai
- fuafua e tau koloa mo e tau magaaho
- foaki mo e muitua ke he tau pūhalu fakakite
- tutala ke he tau kakano he hoko po ke nākai hoko he tau fakapotopotoaga fiafia
- kumikumi e taha tala, fakatātā mo e pulupulega e tau mena haana ne moua.

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

- ✿ Totou ke he tau fānau haau he tau aho oti.
- ✿ Takahao ke he tau atāaga ke totou he hā mena nī kua hahā i ai a mutolu – tau fakamailoga (signs), tau lapa fakatātā fakailoaaga, tau laupepa meli fakavihia, tau fakailoaaga, tau nusipepa, tau pūhala tunu kai.
- ✿ Fakakite ke he tau fānau haau e fulufuluola mo e mahuiga he totou ki a koe ke kitia e lautolu a koe ha ne totou.



Ahiahi tumau ke he fale toka
tohi mo e lagomatai e tau
fānau haau ke fifili e tau tohi
ke he tau mataulu tala ne
fiafia a lautolu ki ai. Taatu
a lautolu ke he tau fiafiaaga
tama he fale toka tohi.



Taute Nūmela

- ✿ Fakapotopoto fakalataha mo e tau fānau haau ti taute e tau gahua fakamau taimi. Totō e koe e uati ka e totou e lautolu ko e lagafihā e pōpō e lautolu e polo he taha e miniti.
- ✿ Fakafehagai e tau fānau haau ke lagomatai he fale koloa – ole ki a lautolu ke tamai e falu koloa mahani mau (punu pine kula lahi-laukauka, 2 e lita huu, 250 e kuleme mamafa he tau fua tosisi).

Ko e Taute Nūmela ko
e taha vala mahuiga he
moui he tagata he tau
aho oti ti hā hā i ai loga
lahi e pūhala ke taute ai
mo tau mena ke fiafia
e tau fānau haau ki ai.



Manako ke iloa falu a mena foki?

Ma e falu a fakailoaaga mo e fakatonutonuaga
ke he tau fakaokoaga mo e tūaga he tama haau,
maeke a koe ke tūtala ke he faiaoga haana.

Ma tau mamatua, tau magafaoa mo e tau tagata
oti he kautū, ko e lahi he tau fakaokoaga he
tau fānau he tau aho oti ne lago ki a mutolu,
ti maeke a mutolu ke lagomatai mo e lafi atu
foki ke he tau mena fakaoko ha lautolu he aoga.

Ko e tūtala mo e tau fānau
haau ko e mena aoga lahi ma
e tau fakaokoaga ha lautolu
he ha tau ni hoko ki ai.
Fakaaoga ua e vagahau motu
mo e vagahau Pālagi – ko e ha
mena ni kua hagahaga mitaki
ki a koe mo e tau fānau haau.

Tohitohi

- ✿ Ko e tau tohitohi fai kakano ke lagomatai
aki e tau fānau haau ke manako ke tohitohi.
Lagomatai a lautolu ke fakafano e tau lautohi
fakaue, lolomi e tau fekau meli-hila, po ke
tohi mo e fakahū e tau fekau ikiiki.
- ✿ Fakaohooho e tau fānau haau ke tohi e taha
tala po ke tala tuai ti fakataitai auloa e mutolu.
- ✿ Helehele e tau kupu mo e tau matatohi mai
he tau tohitala mo e tau nusipepa ke taute
aki e tau tala, tau tala leo tatai, tau fefeu
matatohi mo e tau lautohi.

Fakatumau ke taute e
tohitohi ko e gahua fiafia
ti fakaaoga ha mena he tau
mena ke fakaohooho aki e
tau fānau haau ke tohitohi
hagao ke he ha mena nī he
ha magaaho nī kua lata ai.

TOTOU

READING STANDARD

Kaeke kua iloa he tama haau e Reading Standard he fakaotiaga he Year 4...

to totou a ia he curriculum level 2.

To totou he tama haau kehekehe e tau tala mooli mo e nākai mooli ke lagomatai aki haana a tau fakaakoaga he tau fafaahi oti he tau fakatokotokaaga fakaako (curriculum).

Ke iloa e tau fatifatiaga, to fakaako e tama haau ke:

- iloa e tau mena haana kua manako ke totou mo e maeke ke fifili e tau mena kua lata mo ia
- maama e tau mena haana kua totou mo e maeke ke fakatutala ke he tau matapatu manamanatuaga, ti pihia foki ke he tau manamanatuaga fakataitai
- mailoga mo e maama e tau fakailoaaga i loto he tau tohi kehekehe
- holo mitaki e totou, tuga nī e tūtala
- iloa e ia kaeke kua fai hepe e totou haana mo e maeke foki ke fakahako he tau magaaho oti
- totou ke moua e tau fakailoaaga, tuga e tau tali ke he tau hūhū.

TAUTE NŪMELA

MATHEMATICS STANDARD

Kaeke kua iloa he tama haau e Mathematics Standard he fakaotiaga he Year 4...

to gahuahua a ia he curriculum level 2 mo e fakaaoga haana a maamaaga lahi fakahaga he nūmela, algebra, geometry, measurement mo e statistics.

To gahua e tama haau ke taute e tau gahua nūmela uka, tau matapatu lafilafi (addition), uta kehe (subtraction) mo e tau talahauaga fakalahi mukamuka (simple multiplication) mo e haana a lotomatala ke he lahi he tūaga he nūmela.

Ke iloa e tau fatifatiaga, to fakaako e tama haau ke:

- gahua he tau nūmela ke kaupā mai he 1,000
- fakaaoga e lotomatala haana he tau fakalahi (times tables) 2, 3, 4, 5 mo e 10 ke taute aki e tau gahua nūmela uka

TOHITOHI

WRITING STANDARD

Kaeke kua iloa he tama haau e Writing Standard he fakaotiaga he Year 4...

to tohitohi a ia he curriculum level 2.

To tohitohi e tama haau he tau talahauaga kehekehe ke lagomatai aki e tau fakaakoaga haana he tau fafaahi oti he tau fakatokotokaaga fakaako.

Ke iloa e tau fatifatiaga, to fakaako e tama haau ke:

- fakaaoga e tohitohi haana ke manamanatu ke he, fakamauuaga tohi mo e fetūtalaaki e tau mena iloa, tau amaamanakiaga mo e tau fakailoaaga
- tohi nī e ia tokotaha ma e tau manako kehekehe
- iloa ko e tohitohi haana kua lata tonu mo e tau tagata fanogonogo
- totou mo e huhui e tau tohitohi haana ke fakaholo ki mua e mitaki, ke he loga he tau magaaho
- iloa ka hepe e tohi fakamatatohi (spelling), kalama (grammar) mo e tau fakamailoga tohitohi (punctuation) ti fakahakohako e ia he tau tohitohi haana ke he loga he tau magaaho
- fakatātā haana a tau tohitohi he tau pūhala kehekehe lafi ki ai e fakaaogaaga he tau komopiuta, tau pokiata, tau fakatino, mo e tau fakakiteaga.

Fakamahino ke he nūmela

Hā he Year 4, 60–80 e pasene he tau magaaho fakaako taute nūmela ka fakamahino nī ke he fakaako nūmela.

- kumi e tau valavala he tau vahega, fafaahi mo e tau katoatoa
- taute mo e fakatumau e tau hagahaga mo e fakamaama e fakatufono ma e tau hagahaga
- fakavahega e tau koloa ti fakamaama e kakano ne tuku ai he vahega ia (ko e fakatai, vala mo e lahi)
- fifili e pūhala mitaki lahi ke fuafua aki e loa, laulahi, pūlahi, matolu, mamafa, temperature mo e magaaho
- taute e tau mepe ke fakakite aki e tūaga mo e pūhala
- fakatutala ke he tau fiafiaaga ka fakahoko po ke nākai fakahoko
- tauteute e tau hūhū ke kumikumi aki, ti fakakite aki e tau laini mo e pulega ke he tau tali ne moua e ia.

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

- Fakamahani e tau fānau haau ke talaatu ki a koe e tau mena ha lautolu ne fā e totou:
 - ko hai e tagata tute tala mahuiga ha lautolu mo e ko e hā?
 - ko e heigoa he manatu e lautolu ka hoko?
- Fanogonogo ke he tau fānau haau ka totou he tau aho oti. (Manatu ko e mena maeke ke totou ke he falu he magafaoa ha mutolu.)
- Mahuiga lahi e fefeuia he tau fiafia lapa mo e tau fiafia laupepa. Fifili e tau fiafia ne manako e tau tagata oti ke fefeuia ai.

Ma tau mamatua, tau magafaoa mo e tau tagata oti he kautū, ko e lahi he tau fakaokoaga he tau fānau he tau aho oti ne lago ki a mutolu, ti maeke a mutolu ke lagomatai mo e lafi atu foki ke he tau mena fakaoko ha lautolu he aoga.



Ko e tūtala mo e tau fānau haau ko e mena aoga lahi ma e tau fakaokoaga. Fakaokoaga e vagahau kua hagahaga mitaki ki a koe mo e tau fānau haau.

Tohitohi

Age ke he tau fānau haau e magaaho ke fakafetui mo e tau mena kua totou e lautolu. Fakamanatu e tau mena ne tute he tau tagata he tala he magaaho ne tutupu ai e tau mena ia.

- Fakaohooho e tau fānau haau ke fakaokoaga e komopiuta ke tohi aki e tau fekau meli hilā, tau laupepa aho fanau, tau alaga tala, tau tala fakakatakata mo e tau tohi. Fai komopiuta e tau pale tokā tohi ma e tau tagata oti ke fakaokoaga.
- Gahua auloa ke he tau fiafia matatohi ikiiki ma e tau fānau he nusipepa po ke ha tala nī kua totou e mutolu fakamagafaoa.
- Fakafafia mo e tau kupu. Manamanatu ke he tau kupu fuluola, fakatutala ke he tau kupu foou mo e kumi e tau kupu he tohi vagahau. To maeke he tauteaga nai ke lagomatai e tau fānau haau ke fakalaualahi e tau kupu ke fakaokoaga e lautolu ka tohitohi.

Kia eke a koe mo fakafitakiaga. Fakakite ke he tau fānau haau ko e mena tohi a koe ma e tau manako kehekehe. Fakaatā a lahi ke tohitohi. Tohi foki a koe ki a lautolu he falu a magaaho. Fakaokoaga e vagahau ne hagahaga mitaki a koe ke fakaokoaga.

Taute Nūmela

Hā hā i ai loga lahi e tau gahua taute mau he tau aho oti ke fakafehagai ki ai e tau fānau haau, fakalataha ki ai e:

- kumikumi mo e fakamātutaki e tau nūmela he tau kalakala kaina mo e tau katofia kaina haau – ko e tulā, tau puha tohi, tau fakakiteaga he mafiti mo e mamao
- manamanatu ke he fiha lā e nūmela telefonī ha lautolu ne maeke ke tokaloto – tūtala ke he tau mena ke taute ke tokaloto aki e tau fufuta nūmela
- fifiliaga ko e fiha e tupe ne manako a koe ki ai ke tuku he tau mita fakatū motokā, ko e magaaho fē kua lata ke liu ai a koe ke he motokā, ke nākai molea e tau magaaho fafati he mita.

Ko e pūhala ne fakaokoaga he tau fānau haau ke taute aki e tau gahua taute nūmela uka, fano ai a koe he aoga. Talaage ki a lautolu ke fakakite atu ki a koe e pūhala ne taute aki e lautolu ti lagomatai e tau fakaokoaga.

Manako ke iloa falu a mena foki?

Ma e falu a fakailoaaga mo e fakatonutonuaga ke he tau fakaokoaga mo e tūaga he tama haau, maeke a koe ke tūtala ke he faiaoga haana.



TOTOU

READING STANDARD

Kaeke kua iloa he tama haau e Reading Standard he fakaotiaga he Year 5...

to gahua a ia pūhala atu ke totou he curriculum level 3.

To totou mo e maama he tama haau kehekehe e tau tala mooli mo e nākai mooli ke lagomatai aki e tau fakaakoaga he tau fafaahi oti he fakatokatokaaga fakaako (curriculum).

Ke iloa e tau fatifatiaga, to fakaako e tama haau ke:

- loloa e tau magaaho totou
- fifili e tau tala ke lagomatai ke he tau fakaakoaga haana mo e tau tala ke totou mo fakafulufuluola
- fifili e tau makaukau totou haana ke fakaoga ka fai mena fakalavelave ki a ia mo e ka totou e ia e tau tala uka fakatote – ko e fakatai, liu totou e tau vala ne nākai maama i a ia
- taute e tau kupu ne nākai iloa e ia, he fakaoga e falu a kupu ne hā hā i ai he gahua uka, tau fakatino po ke falu a pūhala foki
- maama mo e pulega e tau fakapapahi kehekehe he kakano ne hā hā i ai he tala – ko e fakatai, maama e tau kakano fakagalagalo
- totou e tau tala kehekehe hagao ke he taha nī e mataulu, mo e maeke ke tuku fakalatha e tau fakailoaaga nai ke folafola aki e manako, po ke tohi hagao ke he taha mataulu tala
- hūhū mo e tali e tau hūhū hagao ke he tau mena haana kua totou fakatūtala e pūhala ne fakaoga he tau tagata tohi tala ke he tau fifiliaga ka tohitohi - hagao ke he tau kupu, tau matakavi, tau tagata he tala mo e tau manamanatuaga ne kua fifili he tau tagata tohi tala.

TAUTE NŪMELA

MATHEMATICS STANDARD

Kaeke kua iloa he tama haau e Mathematics Standard he fakaotiaga he Year 5...

to gahuahua a ia he kamataaga he curriculum level 3 mo e fakaoga haana a tau maamaaga fakahaga he number, algebra, geometry, measurement mo e statistics.

To fakaako e tama haau ke taute e tau gahua nūmela ukauka atu foki ne aofia ai loga e tau lakaaga, ti kua lata i a ia ke fifili e pūhala kua tonu ke taute aki e nūmela uka. To fakaako e tama haau ke he tau faga laliaga kehekehe ke taute aki e tau nūmela uka.

Ke iloa e tau fatifatiaga, to fakaako e tama haau ke:

TOHITOHI

WRITING STANDARD

Kaeke kua iloa he tama haau e Writing Standard he fakaotiaga he Year 5...

to gahua a ia pūhala atu ke tohitohi he curriculum level 3.

To fakakite he tau tohitohi he tama haau e tau pūhala manamanatu haana, ti pihia foki e tau fakamaamaaga ke he tau mena iloa mo e tau fakailoaaga ne kua moua e ia mai he fakatutala, fanogonogo mo e totou he tau mataulu he tau valavala oti he fakatokatokaaga fakaako (curriculum).

Ke iloa e tau fatifatiaga, to fakaako e tama haau ke:

- fakaoga e tau pūhala kehekehe ke manamanatu, fakatokatoka, fakalaulau mo e fakatūtala e tau maamaaga, fakailoaaga mo e tau lagatau
- fakaoga e tau kupu mo e tau valavala tala ne kua hagao ke he mataulu kua fifili ma e tau tagata kitekite mo e fanogonogo
- fifili e pūhala mitaki lahi ke fakakite aki e fekau haana po ke tau manako ke he tohitohi
- fakatokatoka e tau tohitohi haana, fakaoga e tau tala fakakite ke lagomatai aki e tau matapatu lagatau mo e tau vala tala ke fakavahega aki e tau lagatau haana
- fakalaukauka e maama mo e malolō he haana a tohitohi, he fā mahani ka mole e liu fakatonutonu mai he falu a tagata liu kikite e tohitohi haana ke he hako he tau matatohi, fakaogaaga he tau kupu mo e tau punctuation
- fifili e pūhala hako ke fakapūloa aki e tau tohitohi haana, ti aofia ai e tau malolō he komopiuta, lolomi, tau pega laupepa mo e tau fakatino fakatatai.

Fakamahino ke he nūmela

Hā he Year 5, 50–70 e pasene he tau magaaho fakaako taute nūmela ka fakamahino nī ke fakaako ke taute e tau gahua nūmela uka he fakaakoaga nūmela.

- fifili e pūhala kua lata (fakaoga e +, -, ×, ÷) mo e fakamaama fakamitaki e pūhala haana ke he falu a tagata
- fakaoga e tau matapatu lotomatala iloa mau ke taute aki e tau lotomatala nākai la iloa mo e kumikumi e tau valavala he tau pegapega (sets), pakapaka (shapes) mo e loga (quantities)
- fakahoaho e tau fafaahi 2D mo e 3D ti fakamooli e pūhala ne fakavahega aki a lautolu
- fakaoga e tau maaga liu kikite (grid references) he tau fakatino motu (maps) mo e tau matahoe he fakatikeaga hala (points of the compass) ke fakamaama e tokaaga he tau koloa
- fuafua e lahi mo e matolu he tau pakapaka
- kumi fakataitai e agaaga ke fakamau hifo oti e tau katoatoaga ligaliga (possible outcomes)
- kumi fakamakutu e tau hūhū, fakakite e tau talahauaga mo e fakatutala ke he talahauaga kua tohi.

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

- ✿ Tūtala mo e tau fānau haau ke he tau tala kehekehe kua totou po ke fakailoa mai he (tau tala he nusipepa, tau matakavi he Kupega-hila, tau kōmiki, tau tala tuai, tau lologo po ke tau tala kūkū fai fakaokoaga). Kumi e taha tala nusipepa ne manako a koe mo e tau fānau haau ti fakatūtala hagao ke he kakano he tala.
- ✿ Talaage ke he tau fānau haau e tau tala ne manako lahi a koe ke totou he vahā tote. Kumi ke he kupega-hila ko e toka ai nakai, ti kitekite fano ma e tau tohi ne fetataiaki. Lali ke moua taha lagaki mai he fale toka tohi ha mutolu.
- ✿ Ahiahi tumau atu ke he fale toka tohi. Lagomatai e tau fānau haau ke fifili e tau tohi ne manako a lautolu ki ai po ke tau tohi ne hagao ke he tau mena ha lautolu ne fā e fakaoko ki ai he aoga. To liga manako foki a lautolu ke lagomatai e koe ke totou ki a lautolu.

Ma tau mamatua, tau magafaoa mo e tau tagata oti he kautū, ko e lahi he tau fakaokoaga he tau fānau he tau aho oti ne lago ki a mutolu, ti maeke a mutolu ke lagomatai mo e lafi atu foki ke he tau mena fakaoko ha lautolu he aoga.

*Ko e totou ke he tau fānau haau
ko e taha nī a mena mahuiga
lahi a nai kua maeke i a koe ke
taute. Maeke a koe ke totou e
tau tala he vagahau motu ha
mutolu kaeke kua manako –
to fai kehe ka moua ma e tau
fakaokoaga he tau fānau haau.*

*Ko e tūtala mo e tau fānau
haau ko e mena aoga lahi
ma e tau fakaokoaga he
moui. Fakaokoaga e vagahau
kua hagahaga mitaki ki
a koe mo e tau fānau haau.*

Tohitohi

*Fakatumau ke taute
fakafafia e totou ti fakaokoaga
ha fakamolemole nī kua
manatu e koe ke fakaohooho
aki e tau fānau haau ke
tohitohi ke he ha mena nī he
tau mena, he ha magaaho nī.*

- ✿ Fakatoka pauaki taha vala he fale ke tohitohi ai e tau fānau haau – ne hā hā i ai e tau pene, tau penetala mo e tau laupepa.
- ✿ Lagomatai e tau fānau haau ke tohi e tau mena iloa ha lautolu, ke he magafaoa mo e tau kapitiga po ke tau aho okioki, i loto he tohi fakamau mena tupu. Maeke a lautolu ke fakaokoaga e tau ata, tau fakatino tā po ke tau laupepa fakatātā koloa.
- ✿ Fakaohooho e tau fānau haau ke tohi ke he taha matakainaga he magafaoa ha ne nofo he tau motu kehe. Fefeu mo e tau fafia matatohi mo e tau fānau haau tuga e Scrabble, Tagatahivi (Hangman), lapa fakahaohoa matatohi (crosswords puzzles).



Taute Nūmela

- ✿ Fakataitai e tau fakalahi nūmela – hūhū ke he tau fānau haau po ke faiaoga ha lautolu, ko e tau fakalahi nūmela fē ne kua lata ke lagomatai a koe ki ai.
- ✿ Fakamaopoopo fakalataha e tau fānau haau ti fefeu ke he tau fafia kehekehe – tau fafia pepa mo e lapa ne fakaokoaga e talahau mo e fifili manatu.

*Ko e loto mitaki mo e
manako lahi ke he taute
nūmela ko e mena
mahuiga lahi ma e tau
fakaokoaga – pete nī he
nākai fafia mooli a koe ki
ai he vahā haau he aoga.*

Manako ke iloa falu a mena foki?

Ma e falu a fakailoaaga mo e fakatonutonuaga ke he tau fakaokoaga mo e tūaga he tama haau, maeke a koe ke tūtala ke he faiaoga haana.



TOTOU

READING STANDARD

Kaeke kua iloa he tama haau e Reading Standard he fakaotiaga he Year 6...

to totou a ia he curriculum level 3.

To totou e tama haau he tau tohi tala mooli, tau tohi fakaveveheaga, tau pepa tohi tala, mo e tau fakailoaaga mai he komopiuta. To totou e ia e tau tala pehē nei he tau fafaahi oti he fakatokatokaaga fakaako (curriculum).

Ke iloa e tau fatifatiaga, to fakaako e tama haau ke:

- totou mafitifiti e tau tala loaloa mo e fai loa e tau magaaho totou
- moua mukamuka e tau fakailoaaga mo e tau manako he tala, fakalataha mo e tau fakailoaaga ne nākai maali mitaki ke kitia – he fakaoga e tau lagatau i loto he tala mo e tau mena ne kua iloa e ia
- gahuahua ke he tau kupu ne nākai iloa e ia e tau kakano he fakaoga e tau lagatau he tala po ke tau fakatino mo e tau fakatino fakatatai
- moua mafiti e tau manako mahuiga mo e tau fakailoaaga he ‘skimming’ mo te ‘scanning’ (ko e fakatai, fakaoga e tau mataulu tala tatao hake, tau kupu mailoga mo e tau laini tala fakamua he tau palatafa)
- iloa kua lata a ia he falu a magaaho ke totou loga e tau faga fakailoaaga (tau tohi, tau pepa tohi tala, kupega hila) ke moua oti e tau fakailoaaga ne manako a ia ma e haana a tau gahua.

TAUTE NŪMELA

MATHEMATICS STANDARD

Kaeke kua iloa he tama haau e Mathematics Standard he fakaotiaga he Year 6...

to gahuahua a ia he curriculum level 3 mo e fakaoga e tau maamaaga tupu fakahaga he number, algebra, geometry, measurement mo e statistics.

To fakaako e tama haau ke taute loga e tau gahua nūmela uka ne hā hā i ai falu a lakaaga ne kua lata ki a ia ke fifili e pūhala kua tonu ke taute aki e nūmela uka. To fakaako e tama haau ke he falu a pūhala ke taute aki e tau nūmela uka, to maeke ke fai talahauaga ke he tau nūmela mo e tau fakataitai (patterns).

Ke iloa e tau fatifatiaga, to fakaako e tama haau ke:

- taute e tau nūmela ukauka atu foki (fakaoga e $+$, $-$, \times , \div) ne kua lata i a ia ke fifili e pūhala kua hako
- fakaoga e tau veveheua po ke tau talahauaga fakalahi ke taute aki e tau nūmela uka

TOHITOHI

WRITING STANDARD

Kaeke kua iloa he tama haau e Writing Standard he fakaotiaga he Year 6...

to tohitohi a ia he curriculum level 3.

To tumau e tohitohi he tama haau ke fakakite e:

- tau pūhala manamanatu hagao, mo e fakamaama e haana a tau mena iloa
- tau fakailoaaga kua moua e ia mai he tūtala, fanogonogo mo e totou e tau manatu pulega he tau fafaahi oti he fakatokatokaaga fakaako.

Ke iloa e tau fatifatiaga, to fakaako e tama haau ke:

- fifili e tau faga tohitohi kua lata mo e tagata ka totou fakatokatoka e tau mena haana ka tohitohi ki ai
- fakaokatoka e tau tohitohi haana fakapapahi he fakaoga e tau palatafa fakalataha mo e falu a fakakiteaga tuga e tau mataulu tala, tau mataulu tatao hake, tau fakatino fakatatai, tau fakatino mo e tau fakaaliali
- fifili fakamitaki e tau kupu ke lata ma e manatu pulega po ke amaamanakiaga mo e fakaohooho e tau tagata ke manako ke totou e tau tohitohi haana
- liu kikite e tau tohitohi haana ke iloa tonu kua hako mo e maama
- tohi hako e loga he tau kupu mo e fakaoga e tau fakamailoga tohitohi (punctuation) kua lata.

Fakamahino ke he nūmela

Hā he Year 6, 50–70 e pasene he tau magaaho fakaako taute nūmela ka fakamahino nī ke he nūmela.

- kumi e katoatoaaga he nūmela mo e fakakite taha fakataitaiaga
- fakavahega, kamata mo e fakakite e 2 mo e 3D e tau pakapaka
- fuafua e magaaho mo e kumikumi e laulahi mo e matolu he tau mena kehekehe
- fakaoga e tau maaga liu kikite (grid references) he tau fakatino motu (maps) mo e tau matahoe he fakatikeaga (points of the compass) ke fakakite aki e tau pūhala ō fano
- tā e tau koloa kehekehe mai he tau kitekiteaga kehekehe
- fakamaama e katoatoaaga he tau kumikumiaga he tau fakataitaiaga
- fakataitai ke iloa e hagahaga he taha fafiaaga.

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

- ✿ Kia eke a koe mo fakafitakiaga tagata totou ke he tau fānau haau. Totou he tau magaaho okioki. Totou ke moua e tau fakailoaaga mai he tau nusipepa, kupega hila, laupepa fakatā koloa, tau fakatokatokaaga taimi mo e tau tohi. Fakamau tohi e taha magaaho mahani mau ke oatu ai a koe mo e tau fānau haau ke ahialihi atu ke he fale toka tohi.
- ✿ Manako oti e tau fānau ke totou ki a lautolu, fakatūmau ke totou ke he tama haau. Totou he vagahau kua hagahaga mitaki ki a koe mo e tama haau.
- ✿ Fakaohooho e tama haau ke totou mo e muitua e tau fakatonutonuaga – muitua e pūhala tunu kai ma e tau kai mafiti mahuiga lahi he magafaoa haau, po ke tau mena kai aho fanau. Fifili e tau akau kai mo e tau akau fiti kua tonu ke tō he maala fiti lākau.

Fakaohooho e tau fānau haau ke totou he tau aho oti. Taute fakafafia e totou ti nava tumau ke he tau laliaga he tau fānau haau he tau magaaho oti.

Ma tau mamatua, tau magafaoa mo e tau tagata oti he kautū, ko e lahi he tau fakaokoaga he tau fānau he tau aho oti ne lago ki a mutolu, ti maeke a mutolu ke lagomatai mo e lafi atu foki ke he tau mena fakaako ha lautolu he aoga.

Ko e tūtala mo e tau fānau haau ko e mena aoga lahi ma e tau fakaokoaga. Fakaokoaga e vagahau kua hagahaga mitaki ki a koe mo e tau fānau haau.

Fakatūtala ke he tau mena ne tohitohi e tau fānau haau ki ai. Kia manako ki ai. Fakaokoaga e tau tohitohi ha lautolu ke fakalagalaga aki e tau fakatūtalaaga. Fanogonogo ke he tau manamanatuaga ha lautolu.

Tohitohi

- ✿ Fakatoka pauaki taha vala he fale ke tohitohi ai e tama haau – ne hā hā i ai e tau pene, tau penetala mo e tau laupepa.
- ✿ Fefeua ke he tau fiafia pepa, fiafia lapa mo e tau fānau haau.
- ✿ Tohi e fakaholoaga he tau mena taute mo e tau fānau haau. Tomatoma ki ai, ko lautolu kua lago ki ai e fakaholoaga fakatau he vahā tapu po ke fakaholoaga he tau gahua he loto kaina.
- ✿ Fakaohooho e tau fānau haau ke tohi hagao ke he ha lautolu a tau toa, tau toloaga fakafafia tino, tau makaukau mo e tau manako ke lagomatai aki e fiafia ha lautolu ke he tau mena ne tohitohi a lautolu ki ai.

Taute Nūmela

- ✿ Ole ke he tau fānau haau ke lagomatai a koe he fale koloa ke fakaokoaga e masini lafilafi ke kitia aki e katoatoa he tupe kua fakaokoaga.
- ✿ Kamata e taha fakaholoaga manako lahi (wish list) ke he tau mena ne manako e tau fānau haau ke taute po ke fakatau aki e tau tupe fakatautonu gahua (pocket money) ha lautolu. Taute taha fakaokoagaaga tupe (budget) he tau mena kua maeke i a lautolu ke moua mai he fakaholoaga manako lahi ha lautolu. Fakatūtala ke he tau pūhala ke moua ai loga atu foki e tau tupe fakatautonu gahua ma lautolu.
- ✿ Fefeua he tau fiafia lapa mo e fiafia pepa mo e tau fānau haau.

Ko e Taute Nūmela e taha vala mahuiga lahi he moui he tagata ti hā hā i ai loga lahi e tau pūhala ke taute fakafafia aki e koe ma e tau fānau haau.

Manako ke iloa falu a mena foki?

Ma e falu a fakailoaaga mo e fakatonutonuaga ke he tau fakaokoaga mo e tūaga he tama haau, maeke a koe ke tūtala ke he faiaoga haana.



TOHITOHI

WRITING STANDARD

TOTOU

READING STANDARD

Kaeke kua iloa he tama haau e Reading Standard he fakaotiaga he Year 7...

to gahua a ia pūhala atu ke totou he curriculum level 4.

To maeke e tama haau ke moua, manamanatu ki ai, mo e tuku fakalataha e tau fakailoaaga mo e tau manamanatuaga mo e laulahi he tau vahega tohi mo e tau tala. Ko e magaaho ka taute ai he tama haau e mena nai, to maeke i a ia ke manamanatu ke he haana nī a tau hūhū mo e maeke ke tali e tau hūhū kua hūhū age ki a ia ke he laulahi he fakatokatokaaga fakaako.

Ke iloa e tau fatifatiaga, to fakaako e tama haau ke:

- totou e laulahi he tau tala mooli mo e nākai mooli, ti hā hā i ai foki e tau kakano mo e tau fatuakiloti hagahaga kelea, tau agaaga mo e tau manamanatuaga uka lahi
- mailoga mafiti e loga he tau kupu mo e fakaoga e tau pūhala fakagahua kehekehe ke iloa e tau kupu uka – ko e fakatai, lotomatala ke he fakaleo matatohi, manatuloto e tau mena ne nākai iloa e ia, tau mena ne kua iloa tuai e ia ke he tau valavala kupu mo e tau fakataitai matatohi
- fifili e pūhala fakagahua kua mitaki lahi – mai he tau vahega pūhala fakagahua loga ne iloa e ia – ke lagomatai aki a ia ke maama e tau mena haana ne fā e totou
- mailoga mo e fakaoga e tau kalama (grammar) ke lagomatai aki e maamaaga he tau kupu uka
- fakaoga e fifiliaga haana ke taute e tali fakatagata ke he tau mena kua totou e ia, mo e manamanatu ke he malolō mo e lolelole he tau mena ne totou e ia.

TAUTE NŪMELA

MATHEMATICS STANDARD

Kaeke kua iloa he tama haau e Mathematics Standard he fakaotiaga he Year 7...

to gahuahua a ia he kamataaga he curriculum level 4 mo e fakaoga e tau maamaaga lahi he nūmela algebra, geometry, measurement mo e statistics.

To taute he tama haau e tau gahua nūmela uka ti fakagahua e fakalahi mo e vevehe ne fakaoga e tau decimals, fractions mo e percentages. To hā hā he tama haau e tau vahega pūhala manamanatu ke lagomatai aki a ia ke kumikumi fakamakutu e tau taute nūmela.

Ke iloa e tau fatifatiaga, to fakaako e tama haau ke:

- taute e tau gahua nūmela uka he decimals ti fakaoga e tau pūhala fakalahi mo e utakehe
- fakaoga e tau vahega pūhala fakalahi ke taute aki e tau gahua nūmela uka ne fakaoga e tau matanūmela katoatoa mo e tau valavala (fractions)

Kaeke kua iloa he tama haau e Writing Standard he fakaotiaga he Year 7...

to gahua a ia pūhala atu ke he tohitohi he curriculum level 4.

Ke iloa e tau fatifatiaga, to fakaako e tama haau ke:

- tohi ma e tau tagata fanogonogo pauaki mo e tau amaamanakiaga mo e fakaoga e tau fakatokatokaaga kua lata, maama mo e tau fakatokatokaaga hako
- fakatokatoka fakamitaki e tau koloa tohitohi haana ke fakaoga e tau pūhala gahua kehekehe
- fakaoga e tau palatafa ne fakamātutaki e tau matapatu manatu mo e tau talahuauaga lagomatai, i loto po ke vahāloto he tau palatafa
- tohi e tau tala he tau fakaogaaga kupu kua hako mo e fakaoga e tau vahega he hagahaga vagahau mo e tau punctuation vihu, ko e fakatai, tau hūhū liu fatiaki (rhetorical questions), tau kupu po ke vala tala fakaoga ka e nākai felauaki (metaphors), tau fakamailoga fakaoti manatu he vahāloto he tala (semicolons)
- fakaoga e tau kupu hako fakamatatohi he fakaoga e tau vahega pūhala fakagahua, ko e fakatai, lotomatala ke he leo matatohi, tau fakatufono fakamatatohi mo e tau fakapotopotoaga, kakano mo e fakamatatohi he tau vala kupu mo e tau kamataaga kupu, tau fakataitai matatohi
- fakakite ko ia ne liu likite mo e fakahakohako ti pihiā foki ke he totou-fakatonutonu kā e hā ne tohitohi a ia.

Fakamahino ke he nūmela

Hā he Tau 7, 40–60 e pasene he tau magaaho fakaako taute nūmela ka fakamahino nī ke he fakaako nūmela.

- kumikumi fakamakutu mo e fakamooli e tau fakatufono he taute nūmela, ke kitia ko e mena hako mooli tūmau nakai a lautolu kamata e tau fakalahi, tau graphs mo e tau fakatufono mā e tau fakataitai liu fatiaki
- fakavahega e tau pakapaka 2 mo e 3 e fuafuaaga (dimension) ti fakatūtala ke he tau tatai mo e tau kehekehe ha lautolu
- fuafua e magaaho mo e tau koloa he fakaoga e tau fuafuaaga mahani
- kumikumi e tau vikotakai (perimeters), laulahi (areas) mo e pūlahi (volumes) he tau pakapaka
- fakakite mo e fakamaama e pūhala feholofanoaki he tau koloa i loto he tau fakataitai
- fakaoga e tau maaga liu kikite (grid references), tau fakatatai mukamuka (simple scales) mo e tau matahoe he fakatikeaga (points of the compass) ke fakamaama aki e tūaga he matakavi fakakite
- kumikumi fakamakutu, fakavahega mo e fakatātā e tau fakailoaaga ke he tau pūhala kehekehe mo e fakakite e tau fakataitai mo e tau kehekehe he tau fakailoaaga
- kumi fakataitai e ligaliga hoko pūhala atu he kamamatata mo e fakatautui e katoatoa mooli mo e tau katoatoa amaamanaki.

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

Ole ke he tau fānau haau ke uta a koe ke he fale toka tohi. Kumi fakataitai auloa e fale toka tohi mo e lali ke tautē e tau magaaho mahani mau ke oatu auloa ke tautui mo e liuaki e tau tohi.

Ole ke he tau fānau haau ke tūtala ke he tau vala he tau tala ne loto a lautolu ki ai mo e ko e hā. Tūtala ke he tau matapatu talahauaga, tau tagata he tala, onoonoaga, tau fakatokatokaaga, agaaga he tala mo e kakano he tagata tohitala. Liu talahau e tau tala, tau tala tuai (legends) ne talaatu ki a koe he vahā tama tote haau.

Kia eke a koe mo fakafitakiaga.
Fakakite ko e totou a koe hā ko e loga he tau kakano, ko e fakatai, ke iloa ko e ata kifaga fē ka kitekite, fakatatai e tau koloa he tau laupepa fakatātā koloa, iloa e tau mena tutupu foou, moua e fakaholoaga he tau pasi, po ke ke okioki. Lali ke totou e tau tohi ne totou he tama haau ke maeke i a mua ke fakatūtala tokoua.

Tūtala mo e fainaoga he tau fānau haau ke maama i a koe e tau mena fakaako ha lutolu ne fā e tautē he tau gahua nūmela mo e tau mena ha lautolu ne iloa mai he tau gahua kaina.



Taute Nūmela

Omai fakalataha mo e tau fānau haau ti fefeu ke he tau fafia taute i fale mo fafo – liti kapiniu velivelī (Frisbee), lakapī tau aamo (touch rugby), kilikiki, soka, tāvelivelī polo (bowls), hoka polo (snooker) mo e hoka tao (darts).

Tūtala mo e tau fānau haau ke he tau koloa selā he taone – 25% ka utakehe, 30%, 10%, hafa e totogi. Kumikumi ke he tau totogi tokolalo lahi mo e tautē e taha fakafafia ke lafi fakalataha e tau tupe fakahao mai he totogi he tau koloa ne manako e tau fānau haau ki ai – taute foki e, ko e fiha e loa he fakaputu ai e tau tupe to maeke ke fakatau e tau koloa ia.

Taute e fakaogaaga tupe he tau tupe fakatautonu gahua mo e/po ke taute e fakatokatokaaga ki mua ke taute e taha puhala fakahū tupe. Tūtala ke he tau muka ka moua mo e kumikumi fakamakutu ko e fale tokatupe fē ka age ma lautolu e muka lahi ma e tau tupe ha lautolu.

Manako ke iloa falu a mena foki?

Ma e falu a fakailoaaga mo e fakatonutonuaga ke he tau fakaokoaga mo e tūaga he tama haau, maeke a koe ke tūtala ke he fainaoga haana.

Ma tau mamatua, tau magafaoa mo e tau tagata oti he kautū, ko e lahi he tau fakaokoaga he tau fānau he tau aho oti ne lago ki a mutolu, ti maeke a mutolu ke lagomatai mo e lafi atu foki ke he tau mena fakaako ha lautolu he aoga.

Ko e tūtala mo e tau fānau haau ko e mena aoga lahi ma e tau fakaokoaga. Fakaoga e vagahau kua hagahaga mitaki ki a koe mo e tau fānau haau.

Tohitohi

Fefeu he tau fafia pepa, fafia lapa mo e fakakatoatoa e tau fafia fakahao fahao matatohi (crosswords) uka mo e manamanatu kupu (word puzzles).

Kia eke mo tagata fanogonogo loto fafia ke he tau fānau haau. Fakatautonu tūmā ke he tau malolo ne hā hā i tua he fekau mo e tau manatu, (fakagalogo and pūhala ne tohi aki e fekau) mo e folafolaaga. Toka ke he loto, ko e heigoa e tau gahua aoga he tau fānau haau ne fā e fakaako ki ai he magaaho tonu nei, ti fai manatu nī ke he tau gahua aoga ia.

Mitaki e fakaoga he komopiuta kaeke kua nākai fafia e tau fānau haau ke he tohitohi, hā ko e mena to nākai lata a lautolu ke manamanatu ke he folafolaaga he tau gahua ha lautolu mo e, tō nākai liu a lautolu ke tohi oti e tala. Lagomatai foki e liu kikite matatohi.

Fakaohooho e tau fānau haau ke fanogonogo mo e fakaoga e tau kupu fulufuluola. Ko e lotomatala ke he laulahi he tau veheveheaga kupu ke lagomatai aki e tau fānau haau ke kamata e tau tala ne holō ki mua e lahi mo e hokulo (complexity).

TOTOU

READING STANDARD

Kaeke kua iloa he tama haau e Reading Standard he fakaotiaga he Year 8...

to totou a ia he curriculum level 4.

To maeke e tama haau ke moua, manamanatu ki ai, mo e tuku fakalataha e tau fakailoaaga mo e tau manamanatuaga i loto mo e laulahi he tau vahega tohi. Ko e magaaho ka taute ai he tama haau e mena nai, to maeke a ia ke hūhū mo e tali e laulahi he tau fakatokatokaaga fakaako.

Ke iloa e tau fatifatiaga, to fakaako e tama haau ke:

- totou e tau tohi:
 - hā hā i ai e tau fakatino, tau ata, tau puha, tau fakatino fakatatai, tau mepe, tau pega laupepa mo e tau fakatino fuafua ne fai mātutakiaga ke he agaaga he tala
 - ne kua lata ke fai fakamaamaaga e tau talahauaga uka, tau agaaga tū tokoluga mo e tau manako nākai fai fakavēaga
- fifili e tau makaukau kua hako mo e tau koloa fakagahua (technologies) (ko e fakatai, ko e kupega-hila) ke fakakite aki mo e fakaoga e vahega tala ma e tau amaamanakiaga katoatoa he fakatokatokaaga fakaako, ko e fakatai, totou ke iloa e tau fakailoaaga he science po ke social studies
- fakaoga e vahega pūhala fakagahua tupu fakahaga ke lagomatai aki a ia kaeke kua nākai maama e ia e tau mena haana ne fā e totou
- fakaoga e tau vahega makaukau ke taute aki e tau kupu uka.

TOHITOHI

WRITING STANDARD

Kaeke kua iloa he tama haau e Writing Standard ka oti mai he fakaotiaga he Year 8...

to gahua a ia pūhala atu ke he tohitohi he curriculum level 4.

Ke iloa e tau fatifatiaga, to fakaako e tama haau ke:

- tohi nī a ia tokotaha, ti fifili e vagahau mo e fakatokaaga kua maama mo e tatau ti felauaki mo e agaaga he tohitohi
- fakaoga e tau fakailoaaga ne moua e ia hā ko e totou, ke tohi he tau kupu haana hagao ke he matahigoa po ke agaaga
- tohi e tau tala kua maama, kūkū mo e felauaki mo e gahua he fakatokatokaaga fakaako – fā mahani ke lalafi ki ai e fakamaamaaga mo e/po ke talahauaga ke lagomatai po ke fakamaama aki e tau matapatu manatu
- kamata e tau palatafa kua hā hā i ai e tau manako kua felauaki mo e mātutaki atu ke he falu palatafa foki
- fakaoga e tau tala uka ne hako e kalama
- fakaoga fakahako e tau matapatu fakamailoga tohitohi (punctuation) mo e lali ke fakaoga falu a punctuation uka, ko e fakatai, simikolone (semicolon), kolone (colon), tau puipui (brackets)
- fakaoga e tau kupu mo e tau vala tala ne tū tonu ke he matapatu, tau tagata fanogonogo, mena tupu mo e hagaoaoga
- maama ko e tohitohi a ia ma e tau hagaoaoga kehekehe mo e iloa e pūhala ke taute aki e fekau nei.

TAUTE NŪMELA

MATHEMATICS STANDARD

Kaeke kua iloa he tama haau e Mathematics Standard ka oti mai he fakaotiaga he Year 8...

to gahuahua a ia he kamataaga he curriculum level 4 mo e fakaoga e tau maamaaga lahi fakahaga he nūmela, algebra, geometry, measurement mo e statistics.

To maeke e tama haau ke fakaoga e tau pūhala fakagahua fakalahi ke taute aki e tau gahua nūmela uka ka fakaoga e tau valavalā kehekehe, (fractions, decimals mo e percentages).

To maeke foki i a ia ke fakamaama e tau pūhala kehekehe ke taute aki e tau gahua nūmela. To hā hā i ai he tama haau e tau vahega pūhala fakagahua manamanatuaga ke lagomatai aki a ia ke kumikumi fakamakutu e taute nūmela.

Ke iloa e tau fatifatiaga, to fakaako e tama haau ke:

- taute e tau gahua nūmela he decimals mo e integers ti fakaoga e lafilafi mo e utakehe
- fakaoga e tau vahega pūhala fakalahi ke taute aki e tau gahua nūmela he tau nūmela katoatoa mo e tau valavalā

Fakamahino ke he nūmela

Hā he Year 8, 40–60 e pasene he tau magaaho fakaako taute nūmela ka fakamahino nī ke he fakaako nūmela.


- kamata mo e fakaoga e tau tables, graphs mo e tau fakatufono ke fakakite aki e fehagaiaha he linear mo e non-linear fuafua e tau koloa ti taute e tau fakataitaiaga mukamuka ke he tau valavalā he fuafuaaga
- kumi e tau vikotakai mo e laulahi he tau rectangles, parallelograms, triangles mo e pūlahi he tau cuboids
- kumi fakataitai e fakalaulahi (transformation) mo e fakatūtala e faliu he tau pakapaka mo e tau fakataitai he mole atu e fakalaulahi
- fakakite e tau tokaaga mo e tau pūhala ke fakaoga e tau scales, bearings mo e co-ordinates
- tuku fakalataha mo e fakaoga e tau mena iloa (data) ne moua mai ai loga e tau valavalā he fakailoaaga (ko e fakatai, tau tau moui (age) mo e fuafuaaga he lahi (size))
- fakavahega e tau mena iloa ti fakatātā ke he tau pūhala kehekehe, ti fakatūtala e tau fakataitai mo e tau hagahaga
- fakaoga e tau valavalā ke fakatūtala ke he fakamooli he tau katoatoaga he manakoloto.

LAGOMATAI E TAU FAKAOKOAGA HE TAU FĀNAU HAAU

HE LOTO KAINA

Totou

- ✿ Lagomatai e tau fānau haau ke taute e tau CD/DVD he tau tala ne loto lahi ki ai, tau leo lologo, tau tala fakataitai kūkū po ke tau fakatino fakakatakata.
- ✿ Tamai falu a tohi fakatonutonu he fale tokā tohi hagao ke he tau fakatokatokaaga ke moua mo e tauteute e tau mena kai, tau mena fakaalofa po ke tau fakatino ma e tau aho fanau he magafaoa po ke aho Kilisimasi. Gahuahua atu ke he tau fakatonutonuaga.
- ✿ Fakalataha mo e tau tagata he magafaoa, fifili e tau tohi, tau pepa tohi tala, tau komiki, tau nusipepa mo e falu a fakailoaaga ma e tau tagata oti he magafaoa haau ke totou hagao ke he tau hagaoaga kua fiafia ki ai e tau fānau haau – ko e fakatai, heke lapa fakaholo (skateboarding), heke lapa fakatū peau (surfing), tau koloa tino foou mo e ke he (fashion).



Taute Nūmela

- ✿ Lagomatai e tau fānau haau ke kumikumi mo e fakatai e tau nūmela he kaina, ko e fakatai, totou e odometer he motokā ke kitia ko e fiha e kilomita ke holo ai e motokā he tula penisini mo e fiha e totogi ke liu fakapuke, po ke kumikumi ko e fiha e totogi he taha e kilomita.
- ✿ Fakaatā e tau fānau haau ke tūtala ke he tau amaamanakiaga mo e fakatokatokaaga ki mua he tau koloa ma lautolu po ke ma e falu tagata, ko e fakatai, kumi ko e fiha e totogi he fano ke he tau aho okioki Kilisimasi, ti fiha e tupe he magafaoa ka fakaputu he tau mahina takitaha.
- ✿ Fefeu ke he tau fiafia kalapepa mo e fiafia lapa ti taute auloa e tau fakafili-moki nūmela.

Manako ke iloa falu a mena foki?

Ma e falu a fakailoaaga mo e fakatonutonuaga ke he tau fakaokoaga mo e tūaga he tama haau, maeke a koe ke tūtala ke he faiaoga haana.

Ma tau mamatua, tau magafaoa mo e tau tagata oti he kautū, ko e lahi he tau fakaokoaga he tau fānau he tau aho oti ne lago ki a mutolu, ti maeke a mutolu ke lagomatai mo e lafi atu foki ke he tau mena fakaoko ha lautolu he aoga.

Ki a eke a koe mo fakafitakiaga. Fakaatā e tau fānau haau ke kitia koe hā ne totou ke he vagahau motu po ke vagahau Palagi. Ko e ha mena Tohi Tapu, pepa tohi tala, komiki, tohi tunu kai po ke tala tohi, to eke mo fakamooliaga mitaki ki a koe mo e fakafitakiaga ma e tau fānau haau.

Ko e tūtala mo e tau fānau haau ko e mena aoga lahi ma e tau fakaokoaga. Fakaokoaga e vagahau kua hagahaga mitaki ki a koe mo e tau fānau haau.

Tohitohi

- ✿ Lagomatai e tau fānau haau ke tohi e tau tohi, tau kalapepa-meli po ke meli-hila ke he tau mamatua tupuna, tau mamatua taane mo e fifine he magafaoa ne nonofo he tau motu kehe.
- ✿ Lagomatai e tau fānau haau ke tā fakataitai e taha laupepa fakatātā ma e taha fiafiaaga mahuiga he tapu po ke maaga, ko e fakatai, Aho Tapu Fānau, Aho he tau Mamatua Fifine, Aho he tau Mamatua Taane, Hifi Ulu, Tapu Fakamanatu Fakamua. Po ke tohi e tohitala/tohitala-hila kua maeke ke fakafanofano ke he tau tagata he magafaoa he tau motu kehe po ke nonofo he falu a taone.
- ✿ Poki falu ata aki e pokiate-hila ti tohi auloa e taha tohiata ma e tau fānau ikiiki ke fakaogo aki e tau ata.

Tūtala ke he tau mena he tau fānau haau ne tohi. Kia mata fiafia. Fakaogo ke kamata aki e tau tutalaaga. Fanogonogo ke he tau manamanatuaga ha lautolu, pete nī he nākai fetataiaki mo e haau.

Fakatūtala mo e tau fānau haau ke he tau selā koloa he taone – uta kehe 15%, uta kehe 33%, uta kehe 20%. Onoono auloa ke he totogi kua mitaki. Ko e heigoga e totogi he tau koloa ka oti e uta kehe he tau tupe ne fakatupe aki. Mitaki nakai ke fakatua e koloa ke moua noa e taha po ke uta kehe 25% he totogi he tau koloa.

What is the content of this booklet?

This booklet is a condensed version of the Supporting Your Child's Learning series of 9 fold-out sheets available in English.

The first two pages outline how parents, families and whānau can support their children's early learning – from birth until they start school. There is content about reading, writing, mathematics, learning in early childhood education services and learning at school.

There are then two pages for each year level (1–8) – the first explains what children will be able to do if they are meeting the National Standards in reading, writing and mathematics for that year level; the second gives practical, every day, fun tips and ideas for how parents, families and whānau can support their child's learning at home.

How can I use this booklet with parents, families and whānau?

Like the fold-out sheets, this booklet can be used in discussions with parents, families, whānau and students and can be taken home as reference material. Your conversations with parents whose first language is not English could include the following messages:

- Recognising and celebrating the 'whole' child, including their identity, language and culture is important in children's learning.
- Using the family's first language at home also supports children's reading, writing and oral language learning.
- Children can learn in two languages.
- It is easier for children to learn two languages when they are younger than when they are older.
- If their child is a new learner of English, the school may decide it would be fairer to report to them using The English Language Learning Progressions for the first two or three years. The Progressions describe reading, writing, and the speaking and listening expectations for children who are new learners of English. They also help their child's teacher to provide an appropriate teaching and learning programme to help their child make fast progress in these areas. As their child's achievement in reading and writing gets closer to their peers, the school will report progress in reading and writing in relation to the National Standards. Schools will use the Mathematics Standards to report on their child's maths progress and achievement.

How can I access different language versions?

More copies of the translated booklets can be ordered on-line from Down the Back of the Chair at www.thechair.minedu.govt.nz or by email orders@thechair.minedu.govt.nz. Each language has a unique order number that must be quoted: Arabic (order number 2010AR), Chinese (2010CH), Cook Islands Māori (2010CM), Dari (2010DR), Hindi (2010HD), Korean (2010KR), vagahau Niue (2010NU), gagana Sāmoa (2010SM), Somali (2010SL), Tagalog (2010TG), Te reo Māori (2010TM), Thai (2010TH), gagana Tokelau (2010TK), Tongan (2010TN).

Copies of the English series of fold-out sheets can also be ordered from Down the Back of the Chair. Item numbers are: Early Learning (2010EL), Year 1 (2010Y1), Year 2 (2010Y2), Year 3 (2010Y3), Year 4 (2010Y4), Year 5 (2010Y5), Year 6 (2010Y6), Year 7 (2010Y7), Year 8 (2010Y8), Years 1–8 set (2010ST).

The content can also be accessed or downloaded at:

www.minedu.govt.nz/ParentsSupportingYourChild